

柳華陽祖師傳（節錄慧命經）---陳子石宗師

柳華陽祖。道號傳廬子。洪都之鄉人也。幼而好佛。因入梵宇有悟。常懷方外想。見僧輒喜。一旦聞長者曰。昔五祖三更時私授六祖道。側聽歡然。憬如夢覺。始知脩煉家必賴師傳。乃尋求不已。足跡遍荆楚間。迄無所過。後乃投皖水之雙連寺落髮。愈加諮訪。凡三教之師。靡不參究。竟無悉慧命之旨者。因自歎曰。人身對得。遂此虛度乎。忽發一念。於每夕三鼓。五體投地。盟誓虔叩穹蒼。務求必得。閱及半載。幸遇合洪冲虛師。傳余祕旨。豁然通悟。乃知慧命之道即我所本有之靈物。嗣至匡廬。又遇壺雲老師。竊聆論緒。知為非常人。勤懇聽受。繼以哀籲。師乃大發鴻悲。開悟微密。中邊奧竅。罔不周徹。及余臨行。師囑曰。佛教雙脩。今已斷滅。子當續其命脈。以度有緣。余隱跡江左。與二三道侶。焚脩切究。因碧蟾、了然、瓊玉、真元、苦脩已成舍利。默契師傳。故纂集是書。命曰慧命經。畫圖立相。開古佛之秘密。泄師祖之元機。洵接引後學之梯筏也。余見世之求道者。多宗語錄。而語錄中有實語者。有妄語者。彼下學不知如來慧命之道。誤入套語口禪。終為下愚。轉受語錄之害。余遍閱諸經。與師傳印證。有楞嚴華嚴壇經乃實語也。禪師語錄。和尚語錄。乃妄語也。夫脩煉之道。非實語不足以證真詮。非實語不足以闢虛妄。虛妄勝則魔障生。雖有智賢無所從入。千百年來。慧命之關深秘。單傳卒難窺覺。今以淺率之言。將佛寶私傳。和盤托出。俾世之學者。觀此慧命經。若老親口相傳。只須勵志精勤。不必他山求助。則佛果可以立證。此余苦心求師。悟道之本願也。按祖師自著慧命經一集金仙證論一集行世。其集乃祖師自註確是明白。將仙佛直語和盤托出。所以非讀通仙佛之經不能道破。非輕過真師口授不得實證。

柳華陽祖師駢言---陳子石宗師

生身之學。有何難焉。喻言自執。囿術存奇。而以泥形見病。遇法不疑。見星頓悟。乃有追本尋源。陰陽已判兩途。彼此原同一是。求其真宗。世罕相值。雙脩尚矣。上古以還。代有心得。今之脩士。不觀往哲。西星東祖。亦尚窮參。涵虛西宗。且當實踐。要以訣承道德。旨紹陰符。苟有顯露。必然法合羲軒。自具玄微。豈曰規同鍾呂。直語不同。妄言時怪。即其知止無人。已復持盈早覺。柳祖華陽。身投梵宇。心昧玄關。棄僧復俗。抱道禮賢。鄉居洪都。雙蓮髮落。足跡荆楚。三教心研。合洪而逢冲虛祖。匡廬則遇壺雲師。體驗無異於前賢。心聲直傳乎後達。金仙有論。慧命存經。夫靈光難辨。鼎器莫名。混採混煉。何須函谷之傳。可受可施。豈盡長春之筆。乾坤有統。凡聖猶分。莫得而亂為矣。又嘗與了然瓊玉。切究勤脩。猶契碧

蟾真元。行持苦煉。洎夫智因了悟。愚必反迷。子在活時。蓬萊可達。行果無徑。閬苑何從。甚者藥物歸鑪。周天行火。橐籥消息。法度升降。冲熙自非時流可及。紫陽生有大道奇才。冲虛自非時流可及。得於要竅。合乎自然。柳祖既敢泄於道秘。亦不諱夫佛經。自信其道。獨守於中。當日而釋反為訝。至今而人皆自喜。風因火發。名亦時傳。授之乎真。頌猶在德。僕行而何似。憶之至深。生人之旨大同。吾國之道無極。然於問答決疑。汞鉛指破。意圖播種。志尚宏玄。窃謂竅妙之觀摩。精神之培養。生命大事。當有豁然貫通者。鑪峰景仰。江右長懷。謹陳大略。聊闡幽微。既贈一刊之文。亦向眾妙之謁。恍惚何之。禪機而已。

柳華陽祖師遺產(精神修養要妙-18)

兀坐頑空不明大道要訣。雖脩無益矣。奈何天機秘密。學者未必窮其根源。故多在中途而廢矣。時來時煉。補完真炁。則精竅不漏。便可謂之長生矣。若不煉己還虛。則臨時熟境難忘。日用平常如如而先煉己純熟。則調藥而得其所調。辨真時則得其真時。世之好金丹者云有不煉己而能者謬矣。未得師者茫然無所下手。未有知機而不採者。未有未調藥而先採者。如此或缺焉。是不得藥之真故也。即古人所謂乾坤為鼎炁者是也。執著身體摸索而為鼎器者妄也。非仙道金丹神炁自然之鼎器也。覓怯尋師問正傳。若無真訣難成仙。逐日凝神返照炁穴之工純熟。而後有來之機緘。苟或專以靜而不識動。或專以動而不復靜。皆非正理也。故曰時至神知。以順行之時候。即運行之時候矣。故童體只用大周天。不必用小周天。即古人所謂竅中竅也。但黃庭金鼎炁穴關元四穴俱是無影無形。若執形求之則謬矣。古聖有言曰。命由性脩。性由命立。命者炁也。性者神也。炁則本不離神。神則有時離炁。若不顧定。則火冷炁散。死而命亡矣。故性命二者不可須臾離也。離則屬於孤偏矣。故炁因火而升。火因風而灼。夫命之元無乃月魄。神之靈光乃口魂。以魂伏魄。則先天之炁自然發生。人多不測造化。盲脩瞎煉。性命各宿。孤陰寡陽。自謂長生得道。而不知其違道甚遠也。夫機之未發。靜以俟之。炁之既動。以神聚之。而顧命之旨盡在斯矣。鑪內火逼。白虎朝於靈臺。鼎中水融。青龍游於深淵。以風而扇火。則老還少而形常存。以炁而留神。以神而運息。則情物性。而神自純。自然可與赤松彭祖之優尊。有情下種。乃如來之妙用。無法枯禪。即道人之頑空。降蛟龍於北海兮。烈燄騰室。伏猛虎於南山兮。洪雨普濟。大道淵微兮。現在目前。自古上達兮。莫非師傳。深求哀哀兮。早覓真傳。擇人而授兮。梅誓相言。夙緣偶逢兮。早脩莫挨年。休特老來臨頭兮。枯骨無資空熬煎。然學者欲體乎道德。當尋來時之消息。而窮本源之根苗。但人不能深追。故本源之道味却矣。縱元文奧辭。無非口頭三昧。又烏能盡道德之本源。明體用之精微。解冲和之奧妙哉。古云。心無

不存之謂照。欲無不泯之謂忘。然陽生謂之活子時。而藥產亦謂之活子時。兩段工夫。當明次序。所謂火候不傳者。非不傳也。卽此難言也。且今之悟性者。不識先天之性落於後天之識性。今之脩命者。不識先之命落於後天之渣滓。是故無所成也。彼愚昧不早自提點。貪著其樂。內失其照。已交將別之時。若不卽生復覺者。則昧採工矣。自古丹書多引不發。欲求其全訣全火者尤難之。學者雖從末由。豈不可嘆哉。且又當知神安於陽動之。所以協乎其機。莫離乎其炁。炁化之所在。卽神安之所在也。武火者是採藥煉藥煉陰精之妙訣。內外呼吸之秘機。風輪激動產真鉛。因坎中之陰精難以制伏。便使風火而化之。神炁相摩而激之。如二物之相摩而生火也。且鑪內神炁。既以相煉。不可息乎其風。不可出乎其外。不可離乎其炁。所謂煉之者。因有先覺之環境來前。卽當以後天之神火注於鑪中。是爲火種火引也。文火者乃神炁相定而不動之旨也。夫藥既調而自產者。莫當去其武面用其文歟。大矣哉。父母未生此身受孕之時先生此竅。而性命實寓於其中。二物相融而爲一。而慧命漏盡。不得風火煉法。不能和合凝集而成大道。執性乏命。不識動靜。往往到頭虛老。靜時而候。動時而取。慧命之情。喜向乎其外。攝乎其內。夫或採而不生者。或生而不取者。是不得訣之真故也。且欲得訣之真者。又當虛心求師。久待護持。培德捨力。然後大道有所得也。余願同志者休誤入於口頭禪三昧之外道。認爲正道。則非正道也。不識性命。則大道難所成。夫至道不孤行。力微炁弱無所成焉。入室之時。師徒誓立同心。



柳華陽祖師紀念專輯
道南潘定其敬題於
菲島